

四經同卷

思八

佛說馬有三相經

佛說馬有八態譬人經

佛說相應相可經

難提釋經

佛說馬有三相經

後漢三藏法師支曜譯

聞如是一時佛在舍衛國祇樹給孤獨園佛

便告諸比丘善馬有三相用入官可給御中

王意得名為官馬何等為三相一者有善馬

意自能走二者有力三者端正好色是為三

相善馬中入官善人亦有三相自得善意名

聞亦豪舉人敬難之可受人禮能福天下何

等為三相有善人得意能走有力有端正色

何等為善人得意能走有善人得意是苦如

有知為是集為是盡敗為是道識如是善人

得意為走何等為善人得意為力為有弊惡

態當為斷盡力求之精進求者意棄惡未起

弊惡態不復起未起善意當為起已起善意

當為止不忘滅稍稍增多行意俱善行盡力

求制意棄惡如是善人得力何等為善人得

意有色端正正是聞有善人得意避五樂避弊

惡能到四棄得行如是善人得意有色是為

三因緣諦行善人得意名聞為能主舉人難

之可取禮天下如是佛說如是

佛說馬有三相經

佛說馬有八態譬人經

後漢三藏法師支曜譯

聞如是一時佛在舍衛國行在祇樹給孤獨

園多比丘僧俱佛告諸比丘馬有弊惡態八

何等八一態者解羈韁時便掣車欲走二態

者駕車跳踉欲嚙人三態者便舉前兩脚掣

車走四態者便蹋車輪五態者便人立持軛

摩抄車却行六態者便傍行邪走七態者便

掣車馳走得濁泥抵止任不復行八態者懸

筲餒之熟視不肯食其主牽去欲駕之遽吟

喻啞欲食不能得食佛言人亦有弊惡態八

何等為八一態者聞說經便走不欲聽如馬